

Uc

9580

Handwritten text in Arabic script, likely a library or collection identifier, written in gold ink.

Nc 9580

Biblioteka Jagiellońska




stdr0012319

Band. Nc 9580

DISCURSUS POLITICUS  
DE  
CAUSIS & REMEDIIS  
MALORUM  
POLONIÆ,

EDITIO SECUNDA,  
Cracoviensi longe correctior,  
& aliquantum auctior.



*Ut sit in edificando, plantando, folando; totum  
in judicando Libertas: hac fundatur Regnum,  
& floret Respublica.*

Anno clj lxxi.





Ex  
Biblioth. Regia

*V*os, quibus Regem maris atq; terræ  
Jus dedit magnum necis atq; vitæ,  
Ponite inflatos, tumidosq; vultus,  
Quicquid à vobis minor extimefcit,  
Major hoc vobis Dominus minatur.  
Omne sub Regno gravior Regnum est.

Libertatem, quam peperere Majores,  
studeat conservare Posteritas

A. I. T. F. E. B. I. N. & D. I. C. M. K.

De caulis malorum Poloniæ,  
eorumq; remediis  
DISSERTATIO POLITICA,  
inter  
EQVITES POLONOS,  
Dn. WIELOWIEDZKY  
&  
Dn. PRAWDOMOWSKY,  
AGITATA.

*V*IELOWIEDZKY. Salve desideratis-  
sime Prawdomowsky: cum te adhuc  
aspicio, minime, quod nuper spar-  
gebatur, Regno nostro VERITATEM exces-  
sisse credo.

Prawdomowsky. Adhuc terris superesse &  
vivere VERITATEM, certum est; verum, qui il-  
lam audiant, homines decessisse, ingemisco.  
Ignosce, si tuam præterii SALUTEM, nam neq;  
tu ex more Gentis egisti: usitata ad excipien-  
dum hospitem oratione jam omissa, vix Salu-  
tem verbo præfatus, quæstionem Veritatis in-  
duxisti. At: *Quid est Veritas?*

*Wiel.* Veritatem Prætor Romanus deci-  
dat. Quod morem Patriæ attinet, verba fu-  
cum verius esse putaverim, qui ab amicitia

nostra abesse debet: nam sicut Religio tua ceremonias non affectat, ita affectus à complementis abhorret.

*Præd.* Quod Religionem meam attinet, omnis gloria illius ab intus est, candor vero meus etiam exterius patet.

*Viel.* De candore non dubito, idcirco nullum ipsi inducere volebam colorem, quod amicitia rebus magis, quam verbis, præstet: quid vero illud est, quod & tristior solito, sed & pallidior occurras? cum neque secta tua vigiliam admittat, nec venter amet jejunium.

*Præd.* Parce amicitiz, parcus in conscientiam jocare: longam vigiliam habet, cui nunquam feriari permittitur; & multum jejunit, cui vivendi media subtrahuntur.

*Viel.* Ergone de desolatis bonis, an sublati ingemiscis? Vir est, qui, contra bifores fortunæ eventus, uniformi mentis constantia militat præmunitus: Vivit Rex, viget Regnum, floret Respublica: hinc collapsa & eversa reparatur fortuna.

*Præd.* De medijs quantum vis & fortuna, hominum ista sunt, & humana: plus doleo de perdita Conscientiarum Libertate, quæ Dei solius possessio est; cum quæ

*Periere mores, jus, decus, pietas, fides,  
Et, qui redire, cum perit, nescit, pudor.*

*Viel.* Omitte ista, communis horum est  
hodie

hodie querela; quod ratio nequit, sæpe sanavit mora: quin, si quid novi habes, cum te totum occupet Mercurius, edisere.

*Præd.* Nihil sub sole novi, antiqua hæc mala sunt, quibus premitur Orbis.

*Viel.* Hoc equidem & ipso credidi frustra diu: antiqua dicuntur, sed sunt recentiora. Tu vero mihi, utus sit, vicina mala referas, quam remota.

*Præd.* Si te ruentes non satis Theba movent, nec curas domestica, nihil vicinius Transylvania, è cuius nuper gravissimis motibus, (quos forte fecimus ipsi) & illa tempestate, quæ sibi fortissimum à Turca eripi vidit propugnaculum, Orbis indoluit Christianus. Jana vero, posteaquam ad extremum est, nescio, cujus vel auræ blandientis leni strepitu, aut Austri perita susurro disfluxerit, & in partes iverit capitibus distinctas, eo ipso, quod occasum malit, quam ortum, tributaria necessitate sese proscindi, in cutem atteri, & medullitus evirari, volens nolensque patiatur. Nam, si suis floruisse libertatibus visa est, cum Turcico imperio deferret; quomodo emersura sub protectione Cæsaris Germani, cum propiorem hostem habeat, quam Protectionem, non video: quippe levius, sed & tolerabilius malum est, cum certo hoste, & qualicumque vicino pacisci, quam ab infido amico



sperare fidem, & remotis quasi extremis auxiliis inniti. Idcirco, ne in incertum curreret, olim sui præsaga mali, fortissima DACIA, ex quo proprios HUNGARIA perdidisset REGES, maluit semper *Portam Ottomanicam placare, quam placere Casari*: cum vero hodie hanc permutare illi placuit servitutem, an serenitatem? quis non credat, graviora imminere mala orbi Christiano? cum hanc fraudem & simul injuriam non sit impune Turca laturus, qui tantum potest, quantum odit, quin omnibus viribus ereptam offam redimat cruore, & immani atque continua Christianorum strage ad cetera quoque devoranda invitetur: maxime, quod non solum jam fraudes, dolosque AUSTRIACORUM advertat, quod indeo illi, versus Principem RACOCIUM stimularunt, ut hac collusione & collisione suam potius Transylvaniam facerent, quam sibi redderent fidem & constantem; verum etiam, quod Christianorum Principum ad invicem dissensiones cognoscat, atque irruendi & invadendi tot portas habeat, quot dissidiorum odiis locorum rimas & hiatus aspiciat, ac in sinu ridet ingentem Regnorum vastitatem. Nisi quis, ad repellendam, retundendamque Tyranni potentiam, DOMUM AUSTRIACAM sufficere putet, utpote quæ & Imperatoris Majestatis gloria potitur, & tot Regum Regnorumque titulis, victu-

lisque

lisque pingvescit: quibus omnibus si Regnum quoque accedat POLONIÆ, quid putas?

*Viel.* Non equidem ignarus sum, quantum Austriaci, etiam his Comitibus, per proprium Ministerium, & Regulares quoddam, & maximam Cleri partem in se pronam, in hoc Regno moliantur.

*Prawd.* Lippis illud & tonforibus notum est: nam libertatis oppressio, quæ tam durum & asperum jugum cervicibus Nobilitatis injicit, quid aliud est, nisi prodromus & præparatio quædam ad suscipiendos Austriacorum fauces & secures, quibus Religionis primum, deinde Civilem libertatem convellant? Hactenus recte adhuc non est apta resistere Turcis AUSTRIA, nisi occupata & Regnis hæreditariis incorporata fuerit Polonia: tum omnia poterit, qui jam, etiam quod non potest, sult posse, quasi nimium cupit; adeo, ut Turcicum juxta imperium, vel saltem prætextu belli Turcici, ipsam cum Hæreticis Germaniam, & annexas Provincias, possit debellare.

*Viel.* Bona verba, & mitius ista! Crede mihi, sobrio ad tanta mala opus est Thyeste. Et si malis suis PATRIA nostra indormiat, tamen neque SVECUS, neque MOSCUS, ut alios taceam, committendum putabunt, ut, ipsis otiose spectantibus, AUSTRIACI vicinas gentes opprimant, & in servitutem redigant; aut sibi adi-

tum ad illas subigendas & occupandas struant & aperiant: nam & presentibus Comitibus, ante dies aliquot, maluit Senatus molitionibus istis occurrere, dum nonnullos Legatos, Libertatis Patriæ immemores, & ipsam libertatem Cæsaris imagini postponentes, quasi Patriæ preditores proclamare, & adiacentem ad publica munia admitterentur, amolientos judicavit; quam expectare, dum oppressis liberis Gentibus, ad alias remotiores opprimendas, se quoque in extremam Austriacorum servitutem conjiciant.

*Prawd.* Atque tu ista quidem non minus vere, quam libere: at, nisi totum expellas Clegum, aut omnes suspendas Loipolitas, mihi, extinctas esse Austriacorum factiones, non persuadebis; horum opera totam Auster nuper perflavit Transylvaniam.

*Viel.* Equidem, quibus factionibus Daciam suam fecerit Austriacus, vel quo pacto adversæ Germano Stomacho Hungarorum in Transylvania mentes juribus suis resignarint, & misere Libertatem perdiderint, an expulerint, non disputo. Ipsi viderint propioribus & propriis exemplis: nam, jam quicquid id est, quod futurum est, vel sine causa, vel sero timebunt. Mihi tantum, quia vicina mala à te petii, & tu illa narraſti, ex proximo vicini periculo jam proxima nobis inquirere, & ex alieno

alieno damno domesticum metiri convenit & æstimare:

*Nātua res agitur, paries cū proximus ardet: & Mantua & a misera nimum Vicina Cremona.*

Non remotior Hungaria Poloniæ. Poloniam dico, quæ tibi, mihiq; genus, nomen, & fortunam dedit: cujus urgentia & urentia fata quis nescit? Hæc hæcenus, ut ipse nosti, sinu præsens, terga fugiens, signorum præsultrix, minax, impavida, ruinis immota, in adversis intrepida, ad omnes insultus parata & vindex existit: hodie vero, prohi dolor! & externis bellis, & intestinis odiis lacerata, oppressis legibus ac Libertate, discordia magis, quam bello, labascit: adeo, quo olim credebatur major, & habebatur potentior; tanto hodie malorum omnium Charybdi propior, quæstui propior, extremoq; excidio viciniore censetur, nisi hanc fati inclementiam & mala imminentia DEUS tandem prohibeat.

*Prawd.* Papæ! In hoc Reipublicæ flore, in hoc amplissimo Regnicolarum ac Senatorum concursu, & fortunata rerum omnium segete, lautius, cordatiusq; percolenda, fati inclementiam accusas? inter ATHLETAS, antea suppelleçtile instructissimos, inter Ciceronianæ facundiæ Clientes invictos, & disertos Oratores, inter Fabios & Antoninos, atq; intrepida Martiali indole pectora, inter exo-



præta bello paceq; , domi forisq; rerum momenta, inter ipsa aurea tempora, in quibus neq; luxur nobis, neq; convivia defunt, mala imminetia somnias? Næ, tu mihi injurias in præsentem Patriæ felicitatem videris, si minore fide venis usurpanda: nam si somniatorem agis, nihil inde mali, nisi ex contrariorum interpretatione, exsurgit, quam vanus augur *Metus* animis inducit.

*Viel.* Quas tu laudes? quæ encomia? Jam demum experior;

- - maximum hoc Regni bonum est,  
*Quod facta Domini cogitur Populus sui  
 Quam ferre, tam laudare.*

Imo somnia, non præconia; nisi quod somniet ille, cui dormire libet: mihi neq; licet, neq; mihi somnia, antequam obdormiam, persuadebis. Profecto, nisi Te Jovialem fecisset natura, & æq; in adversis, ut prosperis, constantem Religio reddidisset, aut impium dicerem, aut insanum, cui in tantis Patriæ malis joculari libeat, vel indormire, ut, cum ipse Endymionem agas, vigilantes quoq; putes somniare. Verum, dic fodes, (nam aliter sentis credo,) & eum discursum, quem exorsus es, dum ipse satis vigilo, nec langvide, nec somnolenter prosequere.

*Prawd.* O bone! Res humanæ quandoq; carent auribus, & oculis dum destituuntur,  
 ipso

ipso quoq; meridie cacutiunt & obrutescunt, visum in pectore gerunt, idcirco sine suo ut plurimum frustrantur, & hoc longe deterius est, quam somniare: nam multi post somnum excitantur ad eruditionem; cæci, si nunquam dormiant, versantur tamen in tenebris. Magni tu rem momenti postulas, sed, an mihi fidem habiturus sis, non liquet, nisi paradoxum reddideris illud: *Hæreticia fides servanda non est.*

*Viel.* Civis tu mihi es, non hæreticus; Eques Polonus, non extraneus: neq; illa ex te cupio, quæ ad fidem faciunt, sed quæ pertinent ad Rempublicam.

*Prawd.* Atqui de rebus, ad Regnū & communem salutem pertinentibus, quod sacræ habeantur, absq; Religione nemo hæctenus locutus est, utpote quarum fundamentum *Pietas* est & *Justitia*. De quibus cum tu fortasse minus religiose sentias, existimas, tam pium & justum discursum illoris manibus posse expediri? Profecto, hæc ipsa mala, quibus urgemur, vel tu adhuc præsentia non vides, sed tantum imminere putas, non aliunde suam ducunt in Patribus Patriæ originem, quam ex negligentia *Justitiæ* & *Pietatis*: nam adeo hæc in florentibus Regnis conjuncta sunt, ut in iis nemo pius sine justitia; neq; justus, nisi pius, esse possit. His virtutibus cum nostra hodie

careat



careat Respublica, [nam *Pietatem* superstitio-  
so zelo & opinione ejecit; *Justitiam* non me-  
moro, siquidem ipse vides,

*Jus est in armis, opprimit leges timor:*]  
& tu me in hoc rerum statu, in quo neq; senti-  
re, neq; dicere licet veritate, pro *Aegritate* &  
*Pietate* jubes contendere? cujus causa *Cicow-*  
*scii, Orzechowscii, Moskorowscii, Vidawscii, Kazi-*  
*mirscii, Thascii, Suchodolscii, Czaplicii*, ut in-  
finitos taceam tantarum familiarum nepotes,  
mortem aut exiliū patiuntur; tunc me quoq;  
non ab simili expones invidiæ? postea addices  
periculis? Neq; hoc hercle amicitia nostra,  
sed neq; circumstantia loci patietur. Quid  
enim, nonne VVarfaviæ sumus, ubi & Regia  
Majestas in solio, & Comitialis Dignitas ad-  
latus, & Cleri summa potestas à partibus re-  
gnat, regit, prohibet. Itane tu me in gravi-  
simo & periculosissimo loco piacularum com-  
munis odii victimam constitues? Sufficiat  
nobis, ubi non licet defendere veritatem, in-  
juriam pati; & in silentio, ubi, nisi periculo-  
se, loqui non possis, (quod proprium est animi  
bene constituti) lætari bonis, si eveniant, &  
ingemiscere contrariis.

*Viel.* Quos tu mihi Patriæ hostes, Ari-  
anos recenses? Quid ad te horum hæresis &  
perfidia? aut in eos lata Comitibus A. 1658. ho-  
die vero confirmata *Constitutio*? Tu BVAN-  
GELI-

GELICUS es, de quo nihil tale meminit Pa-  
tria: neq; te autore *Calvinus* aliquando fuit  
socius Socini.

*Prawd.* Pulere tu quidem; & nimis specio-  
se, ut jura confundas, & gravius sevias, distin-  
guis *Dissidentem*: quod Patres nostri An. 1570.  
die 28. Jan. cum, cum mortuo SIGISMUNDO  
Augusto, Jagellonicæ stirpis ultimo, Respu-  
blica sui juris esset, publico Ordinum fædere  
VVarfaviæ omnes, quos vos hodie hæreticos  
vultis, *Dissidentium* nomine sine ullo discrimi-  
ne & invidioso delecto complexi, eorundem  
Religionis libertatem his verbis conceptis ca-  
verunt. Cum autem in Republica nostra sit non  
exiguum in causa Religionis Christianæ dissidium,  
occurrendo huic rei, ne ex ista causa inter homi-  
nes oriatur aliqua noxia seditio, quam in aliis Re-  
gnis clare videmus; spondemus hoc nobis invicem,  
pro Nobis & Successoribus nostris, in perpetuum,  
sub vinculo juramenti, fide, honore, & conscientiis  
nostris: quod NOS, QUI SUMUS DISSIDEN-  
TES IN RELIGIONE CHRISTIANA, pacem in-  
ter nos conservabimus, & propter diversam fidem,  
& differentiā in Ecclesiis, sanguinem non profun-  
demus; neq; nos partis afficiemus, veluti confiscati-  
one bonorum, infamia, carceribus, & exilio; neq;  
Magistratum ullum vel Officiū ad tale facinus ul-  
lo modo jubabimus: imo vero, si quis sanguinem  
ex hac causa effundere velit; huic nos omnes vires  
nostras

nostras opponere tenebimur, etiamsi pretextu decreti, vel processus alicujus juridici, (sicut nunc fit pretextu antiqui & antiquati Statuti Jagellonici) hoc facere velit. Hæc ipsa Regum quoque juramentis, de Pace inter Dissidentes in Religione æqualiter conservanda, hac formula constant: *Pacem & tranquillitatem inter Dissidentes de Religione tuebor, manutenebo; nec ullo modo, vel jurisdictione nostra, vel officiorum nostrorum & Statuum quorumvis auctoritate, quæpiam effici, opprimij, causa Religionis permittam; nec ipsæ efficiam, vel opprimam.* Quod juramentum electi Reges Poloniæ sapius in facie Reipublicæ & totius Orbis, ad tanto majorem fidem, perpetuæ Ordinum legi conciliandam, circa Electionis & Coronationis actus præstiterunt. Quæ omnia si privata quorundam stultitia, vel infano furore rescindenda sunt, quæ à tanto tempore, communibus Comitiorum suffragiis, Regum juramentis & Confederationibus, ut verba legis habent, *unanimitèr, constanter, serio & bona fide*, decreta & stabilita sunt: si, (inquam) per insaniam & libidinem paucorum, jura, statuta, juramenta tot Principum ac Senatorum evertuntur; quæ per DEUM Reip. ratio constituenda? quæ salus & tranquillitas speranda est? Profecto, inter maxima generis humani bona fides colligitur, cui ex instituto legum, & ordine natu-

ræ,

ræ, nihil ita congruit, quam ea, quæ tanto tempore placuerunt, custodiri: cujus injuria non minus hodie ad me Evangelicum, quam Arianum pertinet,

- - *alterna quoniam jactamur in unda.*

Nec magis Socinus patitur, quam Calvinus: adeo, quod si aliter sentimus, non attendimus, membra corporis ejusdæ amoris mutui vinculis detineri; & improvide aliquem sibi privatim promittere salutem, perforata aut non curata communi, quæcum aliis bebitor, nabi. (Author de gent. fel.) Nam, si causa Religionis spectanda sit, vel ob ipsum Religionis respectum Constitutio hæc, ejusdemque Confirmatio evertenda est: in qua non uno modo Libertas quoque Evangelicorum subruitur. *Primo*: quod obsoletæ Jagellonis leges contra omnes in genere Hæreticos ab orco revocantur. *Secundo*: quod, etiamsi hoc non esset, tamen moribus hujus Regni ita comparatum est, ut pax Dissidentium in Religione partium firmiter conservari nequeat, si quæ Dissidentium particula opprimatur. Neque enim ulli sectæ nominatim prospectum est, sed omnibus Dissidentium titulo hucusque cautum fuit: nusquam enim in Cod. Leg. Regni, aut M. D. Lithvania, ullius specialis Protestantium agnominis mentio aliqua, aut vestigium existit. Quia vero ista Lex Generalis est, quæ pluribus hominum speciebus consulit; certe,



te, quoties hac in una aut minima specie horum violatur, toties reliquos omnes periclitari oportet. Deinde, cum potentia Pontificiorum in hoc Regno ubiq; sed precipue in iudiciis, praevaleat, interpretatio *Disfidentium in Religione partium* penes ipsos Catholico-Romanos erit; & evulgato semel per istam Constitutionem hoc perfidiae arcano, posse aliquam Disfidentium in religione partem à Pace & Confœderatione publica excludi, penes Catholico-Romanos remaneat, necesse est, quoscumque velint, excludendi potestatem & arbitrium. Denique, quia nullus illorum, ad quos Constitutio de *Arianis* sive Novo-baptistis directæ est, titulum aut nomen Arianorum seu Neobaptistarum, sive criminationes, quæ ipsis in ea obijciuntur, agnoscat: sed omnes, ut ipsa crimina, ita Constitutionem totam ad se non pertinere protestantur, eaq; exceptione, ubi in rem præsentem ventum fuerit, re ipsa haud dubie utentur. Ita mōta semel quæstione iudicibus, quibus nomen Arianorum comperat, nihil facilius est, quam ut per natam pridem, & tot experimentis compertam, iudicū iniquitatem tam titulus ipse, quam pœna, ad innocentes quosque porrigatur: quod an *Æquitati & Pietati* conveniat, iudicabis. Verum, ne videar, ut vulgus voluit, pro Arianis loqui, nam tibi quoq; supra

pra Arianos recensere visus sum; nonne eandem experti sunt atq; in dies experiuntur *servitiam Evangelici*? dum eorum Religio non minus *heresi* notatur, & ipsi Ariani nisi Catholicum amplecti ritum, non erit *Evangelicum* commellentur: non, ne soli Ariani essent, quos Romana persequeretur & proscriberet devotio, nonne, unā violentiam in corporibus & possessionibus passi, comites calamitatis extitere Evangelici, *Dembicci, Malici, Goluchowscii, Reji, Cicowscii, Rusocci, Zawadzii, Zelinscii*, (ut Principes viros fileam) quorum pars aut possessionem amisit, aut vitam? *nonne* tanta rabies oritur, ubi supra mox præfati præcedunt. *nonne* necesse, hanc sibi non solum, sed etiam in *Evangelicorum* persequamur. Offendit illud super publicā *fiogatawa Radzivilium* Iracundiam rabies, qui cum communem Evangelicorū invidiam exciperet, per ejusdem latus singulorum libertas petebatur: cujus immanitas hesternā adhuc die, ex suavi fistula ad tonans strepensq; tympanum traducta, proxime e faciali ad carnificem traducenda, *serbi divini predicationem, Sacramentorum administrationem, templorum erectionem, institutionem* insentuta, severe prohibuit. An sibi nunc quisq; persuadeat, DEUM, qui est ipsissima Justitia, iniuste huius cauta futurum Patronum? *Difficile est, ut bono*



bono peragantur exitu, quæ malo inchoata sunt principio: plerumque enim, qui bella non necessaria in Conscientias moliuntur, temeritatis suæ atque tyrannidis poenas persolverunt. Nam ut fides & Religio est donum DEI, ita libertas Conscientiæ & Religionis DEUM habet autorem.

*Viel.* Litem hanc meam non facio, quamvis eo facile patiar abduci, ut existimem, immanitatem illam, quæ à civibus in cives, à paribus in pares hæcenus perpetrata est, ab insolentibus potius, quam probis, viris fuisse profectam: quorum effrenis licentia, & in urorem proclivis, optare aliud non potuit, quam crudelitatem; & ne improvisa esset animi, religio, ut putavit, votum impetravit nova Constitutione savitiam: quod se vire vulgus interdum, & saltem verisimilitudine ad criminis crudelitatem impelli consuevit. Illud tantummodo vehementer dolendum, quod Majores nostri impunita relinquant, licentiorumque illorum furendi intemperantiam ejusmodi novitatibus promoveant, & in offenso pede currere patiantur.

*Prawd.* Tragicum illud est, verum tamen efficax:

*Qui non vetat peccare, cum possit, jubet.*

Longe vero turpissimum illud: Regnum & Senatum LICENTIA regi. Nam initia quidem persecu-

secutionis Bonorum vere insolentibus, non probis viris facile adscribimus; sed hodierna die ex fasciis ad fasces, è virgis ad secures, è foro in Senatum, denique è vili plebe ad Regnum promotam esse insolentiam & insaniam, admiramur. Nā hæc, quæ nuper ex privato quondam conceptu abnormis prorupit Constitutio, ut Jagelloni statutum contra Hæreticos ex inferis resuscitaretur, confirmareturque, Statutus decreta sunt. Verum de his forte liberius, & præter voluntatem tuam diximus. Ab rumpe moras, *VVarfusis* sumus.

*Viel.* Sine hoc, ut pro illa suscipies molestias neque illud, quod peto ab amico, cessat. Cum per amorem cum facere fecimus, & ab utroque mutuam coluimus amicitiam. Non est hæc inhumana virtus, aut superba, quæ etiam populos universos tueri, eisque optime consulere consuevit. Depone metum: nunquam mihi in conscientiam jus vendicavi, & in ipsa amicitia fide non tam mihi Religio occurrit, quam amici amor ipse delectat. Tyrannorum hæc vita est, quæ neque fidem, neque charitatem, neque stabili benevolentia fiduciam habet. Quis enim eum diligit, quem metuit? aut illum amplectatur, à quo se metu putat? Vel sycophantarum vitia sunt, qui amicitias utilitate probant, aut colunt simulatione.

latione; quæ si forte, ut sit plerumq; , ceciderint, cū intelligunt; quam fuerint inopes amicorum. Quid vero gravissimas circumstantias attrinet, et si *VVaria* sumus, tamen ecce soli sumus, atq; sine arbitris, ubi nec Rex, neq; Episcopus, nec Tyrannus, nec Carnifex; & inter duos semper secretum est.

*Prævid.* Atqui in omni re considerandum est, & quid postules ab amico, & quid patiare à te impetrari. Ne tamen me hic etiam aut hostem existimes, id, quod in communi Reipublicæ causa, labente & prepe cadente Patria, sentiam, dicam: nihil mihi enim tua jucundius existit familiaritate, neq; turpius accidere posset, quam cum eo bellum gerere, quocum familiariter vixerim. Ut autem ad malorū causam deveniam, credo; nos, quantum amicitia coalescimus, tantū sententia discrepare. Nam, si ex Religionis prætextu metiendā est difficultas, vos *Catholicæ-Romani* hodierna Poloniæ mala *Hæreticis* imputatis: nos vero violatæ conscientiarū liberrati. Hic enim est status & hæc ratio Reipublicæ Poloniæ, ut omnes Nobiles jure sint pares, & absolvi in hereditariis possessionibus Domini: idcirco nullus in alterius conscientiam & religionem jus habet, vel legem ullam in præjudicium alterius sine mutuo ejusq; consensu ferre potest: & sicut edificare mihi in fundo meo, quic-

quicquid libet, licet; ita quoq; credere, quod placuit. Nam sententia Principis Nostri, & Regis gloriosissimi STEPHANI BATHORII, Deus tibi sibi reservavit, in quibus nec veli nec possit tibi habere partem: nempe dominari conscientiis, summa transgredere. & aliquid ex nihilo producere. Atqui in hoc uno, *Dominari Conscientiis*, hodie jus commune violatum, turbatam civium concordiam dolemus, unde tantorum malorū causam merito adstruimus. Ita quidem, ut ex illo unico monito Maximiliani II. Imper. *Henrico Valesio*, Poloniæ excedenti dato, hodiernam Reipublicæ calamitatem comprehendere cuiq; liceat: eos scilicet, qui *dominari solent conscientiam, septem milia arcem inducere, Et, dum hac ratione calidè Regni possessionem configi se posse putant, ea, quæ in terra habent, possident, perdere.* Terræ causam mali satis agnoscis? Nam si hæc ita breviter percurram, morales hominum & æquas cum ratione domestica, civiles vero subditi cum Principe consentiunt. Posterioris generis sunt vicini cum vicino, Civitatis cum Civitate, Regni cum Regno concordia. Pacis ejusq; causæ & comes est Justitia. Effectus Pacis sunt, ut alii cum aliis secure agant, & ut cuiq; liberū sit, suo jure uti, sine impedimento & molestia vivere. Ex quo vero, prava ratione & perversis moribus in Patria nostra, alii

alii erga alios male affecti sunt, quo pacto Pacem ab hostibus sperabunt, quam in Civibus persequuntur? nam Pax in illa Republica & populo floret, qui, à molestiis, violentiis & injuriis abhorrens, in concordiam, justitiæ congruam, quasi speciali quadam propensione coalescit. Exclusa scilicet & ejecta Pace, nonne bellum sequitur? non est enim congruens, pessimis conatibus circa noxiam conscientiam sperare securitatem. Ex bello quid? *sangvis & inopia*: utrumq; adhuc experitur Polonia, & nervo destituta est, & fusi sanguinis, fuso sanguine, aut Svecis, aut Moscis, aut Cosacis, aut Tartaris eluit invidiam: totq; periculis manet exposita Polonia, quot intulit pericula, & amoris Civibus semper deteriores vicinos habitura.

*Vviel.* Istud sane semper credidi, divinam Providentiam, quemadmodum rebus singulis inesse, ita maxime præesse Regnis & Imperiis, eorumq; sceptris & coronas pro excessu punire, pro arbitrio moderari: hoc unum me affligit, quod tam pauci sint, qui ista recogitent.

*Præwd.* Solent suprema facere securos mala, aut etiam, quia oculos habent, & non vident, à supremo numine occaecari: quippe

*Inatus ad penam DEUS si quos trahit,  
Auferre mentem talibus primum solet,*

*Cali-*

*Caligineq; affandit, ut ruant suas  
Furenter in clades, sed quos noxiis  
Accesserunt ultro consiliis mali.*

Ita: ubi iusto divino judicio perit sapientia sapientum, & prudentia prudentum sese addit, confunditur, quicquid in sui defensionem solers natura congestit, vel ingeniosa artificum manus excogitavit. Non mare, non fluvii, non montes, non sylvæ, non turres, non propugnacula nos à pœna divina eximunt; tam diu, donec culpam agnoscamus.

*Vviel.* Ex sententia Sapientis fati maligna, perpetuaq; in omnibus rebus lex est, ut ad summum perductæ rursus in infimum velocius, quam ascenderunt, dilabantur.

*Præwd.* Imo, culpæ ista maligna, perpetuaq; natura est, homines non occupare tantum, verum etiam excæcare, ut, cum ceciderint, vix liceat præ lapsu respirare. Observavit hoc in corporis humani humoribus Hippocrates: illi quippe nec in melius verti, nec diu subsistere valent; reliquum ergo est, ut in deterius dilabantur, idq; eo citius, quo vitiosioribus laborat corpus humoribus. Quod POLONIÆ nostræ quoq; contigit, cujus jam non una forma, vel simplex mutatio, neque procul exitium abest & perniciēs, quandoquidem jam exulat *Pietas & Justitia*, imperium vero conscientiarum supersticiosa occupavit tyrannis & ambitio.



*Viel.* Qvod si errorem agnoscat, nonne dabitur ad virtutem res celsius, unde & vita melior & fortuna:

*Ita.* Ita: Si! Qvz nisi obstitaret conditio esset, quilibet qvod optaret. Abest tacet, sanguis ejus clamat, quzlibet sanguinis gutta vocalis est. Quid putas, nonne Equites Polonos, Cives patria, & Fratres fuisse constat eos, quos hodiernus presumptus furor? quorū nunc sanguis in celum clamat, clamat & injuria. Quid rodeant ad insipientiam, ut optas, fumus sceleris dicente, qvod innocentibus imputant, dicantq; illud, qvod in angustiis suis confesti sunt coram fratre fratres poenitentes & nequam: Merito hac patimur, qvia peccavimus in fratrem nostrum, videntes angustiam ejus, don dē recaretur nos, & non audivimus, idcirco venit si per nos ista tributatio. Nos sane & per Serenissimum Electorem Brandeburgicum, illiusq; Deputatos, & per Legatos Speciosos, atq; plurimos Principes Protestantes, hunc furorem deprecari sumus, & pacem, quam habuimus, etiam duram, nostris tamen rebus necessariā petebamus omnes; sed frustra: quin potius perseverandi consilium immanitas, qvz nisi peracta ab iis laudari, a nobis caveri non potuit, exequi constituerit. Verumenimvero, nolo pro hæreticis, ut tui putant, perperam hæretici ipsi, contendere, quibus, ut supra memi-

ni,

ni, *fides servanda non est.* Audire ex te quovq; gestio, quam causam præsentium in Republica malorum esse existimes?

*Viel.* Rerum latentium investigare causas, neq; mei muneris est, neq;, ut nosti, ingenui: illa vero, qvz sensibus incurrunt, cum & videri & palpari possint, facile mihi in animum induco, ex Civium asymphonis mentibus, ex intemperie affectuum, & inconsiderato zelo, ubiq; ejecta Pietate, & Justitia contempta, plurima Regno mala irrepisse. Nam, quamprimum prætextu Religionis animorum inter Cives divortium sensimus, illico continua disidia & clades experti sumus: ex iniqva vero administratione ærarii, sive incuria, & nervum belli amisimus, & licentiosum, semeliosumq; militem meruimus. Quid? qvod & illa nostra in rusticos, sive subditos, crudelitas & injustitia non modicum malorum pondus confusis rebus nostris addidit: quorum gravem manum experti, securitatem vix pollicemur. Hinc quantum invaluit in ipsis vitiiis consuetudo, tantum in malis licentia; utroq; ubiq; non defuere nocendi vires: quippe

*per scelera semper sceleribus tutum est iter,* non tamen ad gloriam, at occasum. In eo loco res nostræ sunt, ut necessitatis nostræ nobis magis index, quam segnioris consilii autor sim.

Tyrannidem Conscientiarum deponendam,

B

existimo:

existimo nec erigenda in causa Religionis ante divinum iudicium humana tribunalia: mortalis adversus DEUM contentio rescindenda: amittendus fastus & superbia: fugienda odia, simultates: Concordia Civium & paritas restauranda: Jus, Leges & Constitutiones revocandæ: omittendus neglectus publici, & respectus privati: deniq; omnia agendo, ferendoq; ex norma & verbis veteris Legis, unanimiter, constanter, serio & bona fide, pro Rege & Patria consulendum.

*Prawd.* Recte tu quidem censeres ex Bonorum Civium sententia: *Ut meliora velint / qvā qvā non ista precanda, sed facienda mihi:* quod haud ignorem, ad summam rerum magis, quid agendum nobis, quam, quid loquendum sit, pertinere. Nullo tamen modo *Innocentia Dissidentium in Religione Christiana* negligenda est, quin, nisi statim, at brevi tempore, causæ nostræ iustitiam, coram mundo & Angelis, verbis idoneis & apertis declarem. Neq; nobis hanc inuri patiar infamiam, ut proditoris arguamur, quod ex nulla vel sua, vel aliena rerum gestarum memoria nobis sine nota falsi intentare crimen ita poterunt, ut pœnam inferre hæcenus potuerunt. Nam si idcirco nobis Dissidentibus pereundum est, quod optarent Romano. Catholici illa de nobis vera esse, quæ ab illis finguntur, nec aliter ficta, quam

facta

facta essent retenturi, credituri vero contrarium, quando videretur; non prius suspicione male absolventur, quam famæ occasio è manibus sit sublata: & modus in voluntate defuerit: imo, antequam nos esse desinemus, persequi non desinent. Hac perversitate Carthaginenses quonq; periisse, iuste conqueritur Patrius Romanus: *Quia volebant Romani, qvāq; videretur Carthaginensibus diceretur, credere, qvā, qvā credenda afferebantur: idcirco statuit Carthaginem Senatus excindere.* Deo interim, iustissimo sanguinarios odio prosequenti, rationem aliquando severam, & violatorum iurium, & ejectionum immerito Civium, & sanguinis immaniter effusi, sunt reddituri.

*Pvvel.* Verum, jam querelarum satis; injuriarum vero, si quæ sunt, obliviscamur, & quod id in tam atrocibus Reipubl. malis censendum, advertamus, ut id dicamus potius, quæ ratione malis occurrere possimus, quam ipsa mala referamus. Nam ea, quæ quotidie præpotere eveniunt, vel inconsulte approbantur, quis satis recenseat? Satis vero futurum arbitror, si quis adversus mala animatus, ex sententia Patriæ, felicius pro salute publica, quam privato commodo, concludit.

*Prawd.* Nihil sane loquamur de summa in Dissidentes injuria, quæ à Civibus Cives, à paribus pares in liberrima Republ. affecti sumus.

B 2

Nullum

Nullum jam ferox verbum adversus Cives, vel DEUM excidat, quin arripimus illud: *Iustus es, Domine, & rectum judicium tuum: & Dominus sine me occiderit, sperabo in eum.* Optimum est pati, & perferre, quod mutare non possis; & DEUM, quo auctore cuncta eveniunt, sine murmure comitari. Valentior Fortunâ in DEUM fixa Spes: restituerit nos in pristinam Libertatem, bene est; sin minus, in utramq; partem res nostras ducimus, & si occiderit, sperabimus in eum. DEUS non potest nocere, nec quicquam eorum, quæ facit, in nostri injuriam esse potest; imo contra, nihil non ad salutem suorum. Vos malorum coryphæos clamare possent tempora, & proscriptorum voces, atq; sanguis interfectorum vel intertunas Patriæ sequi posset, atq; ne halitum quidem relinquere posteris, quod non spiraret convivium; nisi melior pars hominis illâsa *Christianam mansuetudinem* talioni præferret, vobisq; jam in ultionem non ignes, non ferrum, non hostes, sed tantum lachrymas & gemitum relinqueret ad exemplum. Causam istam *Providentia divina* suscepit, & super humanorum affectuum vires pœnarum vices, quando videbitur, exiget. Porro ipsi *Dissidentes in Religione*, si aliquid mansuetudine poterunt, publice privateq; coram suprema Majestate, tum precibus, tum lachrymis, experiri

conabuntur

conabuntur, an tantum pii esse possint, quantum vos crudeles fuistis; & tam patientes, quantum extorquere voluit sanguinaria persecutio.

*Videli.* Ita me DEUS! lachrymas mihi pene excutit tua devotio, & cruorem pene elicit omnium vestrum calamitas. At tu ne cede malis, dabit afflictiis meliora DEUS tempora mitis. Juvat jam de remediis malorum disserere, cum de eorum causis satis fuerit disputatum. Nam præter existentia, imminentiâq; mala vide Poloniam nostrâ callide negotiosam, tot hodie sustinentem amatores, quos sub pectore capere potest amores: inter quos alii amantes & amentes, alii subridentes & subrigentes. Quibus nisi tempestive occurratur, segetem malorum metere licebit pessimam.

*Prawd.* Loquite ex ratione, & Bonorum consensu sentire, nemo est, qui non videat. In iis tamen, quæ ego quoq; in hanc rem dicturus sum, amice moneo, ut in verbis meis non exitum, sed consilium spectes: nam horum initia in potestate lingvæ posita sunt, eventum vero divina procurat *Providentia*. Inter tot quidem Poloniæ procos (ne dicam porcos) divisam plebem, & Senatum, ad mala evitanda, & metum tollendum, passim audio jactari, utilissimum esse, adhuc superstite Rege de fu-



turo nominando Successore deliberare. Verum, si memini, Antecessores nostri, moris antiqui memores, novam istam sapientiam, relictis tot post se Constitutionibus & Ordinationibus, improbarunt: quod tamen consilium, hodie in deterius susceptum, etiam si electionem vivente Rege extorqueat, non malorum remedium, sed instrumentum futurum est. Tu vero quid sentias, peto.

*Wiel.* Antecessores nostros, ut ipse quoque memini, periculosam ejusmodi novitatem exhorruisse, & ne in illa Respubl. impingeret, tot obices posuisse, non ibo inficias; atqui nunquam illorum tempore Imperium nostrum ita fractum viribus, exhaustum ærario, viris militaribus & Senatoribus mutilatum fuisse concedes: quod si futurum sperassent, credo, illos de antiquitatis rigore remisuros, & aliqua exceptionis regula vel appendice usus fuisse. Nunc vero ex præmissis in Respubl. defectibus de nominando (vivente adhuc Principe) Successore multorum existentia consilia, quo præsentia & imminetia mala sopire possint: à quibus nec ipse dissentio. Siquidem, si *Serenissimus atq. Augustissimus Rex noster, JOHANNES CASIMIRUS*, repentina (quod Deus avertat) tolleretur morte, quæ tum existimas Gentem nostram inundatura mala? quæ circumventura Respubl. pericula? eo præ-

sertim

sertim tempore, quo Patria nostra (proh dolor!) & rebus turbata & hominibus, plus diffidentia Civium, quam hostili metu, laborat; ea ætate, quæ exteri Principes & Magnates appetitum suum in illam exacuunt, eundemque spe occupandi Regni nostri (si non per liberam electionem, tamen per fraudem, vel potentiam) sustentant: & ut præsentia omitram, ad sola averruncanda Interregni mala consultius mihi videtur, superstiti adhuc Rege consulere de futuro Successore, quam extincto insinjis incommodis involvi.

*Prawd.* Nihil arduo huic subest negotio, quod non divinam aliquam vim præ se ferre, etiam si nulla impenderent mala, vel manerent pericula, tecum lubens sentiam. *Rex à DEO est:* sine Rege, amabo! Regnum quid? quale quantum? Divini forte Numinis poena, quæ post ignota scelera invehat tyrannidem. In his tantum binis vocibus, *vivente Principe*, in quibus Veteres & Antecessores nostri nobili emphasi legitimam Regis vindicarunt auctoritatem, dissentimus. Nam, ut de malorum præsentium remediis nihil dicam, magni ponderis materia est, de nova Electione ante tempus disserere; minoris econtra momenti res est, ex qua integritas Patriæ & securitas Interregni dependet. Ad cujus decisionem priusquam deveniam, gestio ex te audire, quales tu

B 4

Circum-

Circumstantias circa Electionem novi Domini, & quos cancellos futuro Principi ex *Platone* vel *Aristotele* præscribas.

*Facta* per te in denominatione novi Principis *Circumstantiarum* mentione, ne præcipienter rem agam, vel abducar proprio affectu, aut, quod in rebus fieri consuevit arduis, ne ipsa mole obstruar, breviter accipe quinque capitulis Regis futuri requisita, quæ mihi nuper fideliter ab amico consignata & communicata fuere, & lege, si placeat.

### Circumstantiæ, quæ in considerationem venire circa Electionem novi Domini debent.

I. Ut sit Religionis Catholicæ, non suspectæ.

II. Ne sit ex Magnatibus, & Dominis limitaneis, siquidem hereditarii sui domini, vicinitatis inprimis, occasione mallet utilitatem gentis suæ promovere, quam nostrum commodum. Id quod afflictæ Ungari experiuntur, quos Domus Austriaca tantum pro suis sepius & antemurali habet, ut potentia Turcica, his occupata, dominium Germaniæ non attingat; defenditq; illos, non propter ipsos, sed propter se: quod pridem celeberrimus historicorum *Paulus Jobius* advertere visus est.

III. Ut

III. Ut Vir sit judicio: quocirca, genius illius atq; actiones ante bene inspiciantur, necesse est.

IV. Ut pacati sit ingenii, quoniam nimis acutus intellectus Polonicis rebus nostris non quadrat, quæ nonnisi per pacata, non vero per subtilia, aut per discursus, sed more Polono simplici, ex instituto conservari queunt. Porro alia requisita, videlicet, ut pecuniosus ac potens Dominus eligatur, qui Reipublicæ suppetias ferre possit) discursus gratia potius, quam ex fundamentali ratione, annumerari possunt. Quomodum in æconomia Polonia id non est practicabile, ut quis bona Regia propriis bonis suis hereditariis restauret, sed potius hæc illis redintegrantur: sic illud quoq; communem rationem superare videtur, velle præsumere, electum Regem quasi non magis cogitare, è Polonia ad hereditarias suas possessiones quicquam referre, ubi saltem per electionem, nec certa in posteros spe regnatur, quam sua ad nos transferre. Quinimo, quanto amplioris hereditariæ possessionis electus Rex foret, tanto illius majori desiderio propter vicinitatem teneretur, fastidio Comitilium disceptationum, libertatisq; nostræ inprimis correptus, quarum omnium permolestæ factiones oportet ut sint, non tam ex natura Polonæ libertatis, quam ex ipsa consuetudine

dine & praxi eujuscunq; libera R  
Veluti id in Republica Roma  
quamvis huic totus Orbis op  
strationem & felicissimam ad  
si *Libio* credimus, majores  
motus, & vix non armata populi  
bus collisiones fuere, quando jura eorum in  
frangebantur, vel durius ipsis aliqui  
batur. Quamobrem ibi sint oportet majores  
circa Libertatem altercationes, ubi jura  
majores consuetudines & praxes invalere:  
ubi vero non licet injuriarum actiones insti  
tuere, ibi licet, imo necesse est pati. Ad quem  
scopum collimat *Monarchia*, quæ inter con  
sultationes queribunda de violatione jurium  
vota prorsus detestatur. Quocirca minus di  
ves (& maxime ex disitis locis) querendus  
nobis est Dominus eligendus, ut ad minimū  
sui ipsius gratia nos diligere necesseum habeat,  
cum à Gente sua remotior erit: ne in nos, si  
ne nobis, potentiam suam exercere possit: ne  
nostram libertatem fastidio habeat; ac priva  
ta potentia sua ne nobis ex vicinitate noceat.  
Quæ cum ita sint, tamen ante omnia hoc uni  
cum in eo considerandum venit, ut magni  
consilii Vir sit, ut nos propriis viribus nostris  
defendere sciat, quamvis de suo, quod ipsum  
quoq; magis optandum, quam sperandum,  
nihil superaddat. Quippe, sicut non cupimus,

ut de suo quidquam Nobis det; ita volumus,  
ut de nostro nihil accipiat, aut ejus cupidus  
sit: atq; hac ratione non solum sufficientem,  
verum etiam ex parte nostra superabundan  
tem fortunā habebimus. Faxit autem Deus,  
ut in ea tempora Patria nostra reservetur, sed  
nonnisi post fera nunc Nobis regnantis Do  
mini fata, istudq; quanto celerius eveniat, ut  
Exercitus sedatus, & in antiqua militari di  
sciplina constitutum, unde tota nostra fortuna  
dependet, & Regni felicitas, videre possi  
mus.

V. Insuper considerandum est, (quod quī  
dem superius inferi debuerat) ne Succesor  
eligendus sit duorū Dominiorum Dominus:  
ne scilicet, regimine duarum aut plurium na  
tionum distractus, curam rerum nostrarum  
Polonicarum negligentius habeat, quæ præ  
sentem semper Domium, eumq; gnave sol  
licitudinis, requirunt. Hoc periculum matu  
re Svecica prævidit Natio, quæ non ita pridem  
publica lege constituit, ne Rex illorum aliud  
Regnum affectaret: quod si aliquando acci  
deret, tum Svecicum desereret. Quod ex  
communi illo quoq; axioma (*pluribus in  
tentus minor est ad singula sensus*) patet; & ob  
vio regimine, eoq; æconomico, demonstra  
tur: siquidem æconomix Præfectus, qui mul  
ta bona administrat, non omnia uno eodemq;  
ordine



ordine bono gubernat. Ubi enim ipse residet, quamvis imperfectus sit in scientia œconomi-  
ca, tamen, si non ex singulari scientiæ œco-  
nomicæ virtute, nihilominus ex necessitate,  
vel ad minimum propter commoditatem su-  
am, ne ex decedente in corpus suum pluvia,  
vel in oculis fumo, molestiam capiat, jubebit  
sectum mansionis suæ reparare, focum debito  
adaptare, ac fulcire parietes: (*Liceat parva  
componere magnis*) ita Rex, uni Regno præpo-  
situs, quantumvis non omni ex parte idoneus,  
propter suam nihilominus præsentiam, circa  
Regni communia pericula, suæ incolumitatis,  
securitatisq; gratia, tanto graviores curam  
geret, etsi proprio suo commodo publicam  
utilitatem postponat. Privata siquidem præ-  
sentia magis movet, magis in animum & ocu-  
los incurrit, atq; magis quoq; terret & afficit.  
Germaniæ inferioris status turbulentus citius  
compositus fuisset, nî ab oculis Regis Hispa-  
niæ tantopere disjunctus exstisset. Certe, neq;  
felix, florensq; quondam Hungaria injuriis  
Turcicis, ejusdemq; immanitati patuisset, si  
ipse Rex & Dominus in ea habitasset: nam ad  
minimum metu suæ ipsius personæ de securi-  
tate & fortuna Regni fervidius prospexisset.  
Nunc, quantum Hungaria à Vienna distat,  
tantum quoq; Dominus expers est periculi, à  
quo illi dicitur: *Defendo te, non propterea, sed*  
*propter*

*propter me.* Hinc & fructu suo destituitur, &  
fraudatur auxilio. Et, ne externa persequaret,  
neq; Nos moverent pericula *Cis-Nesleriana*,  
sive Moscovitica illa sint, sive Cosacica, sive  
Tartarica, sive VVallachica, si Rex remotior  
foret, qui antequam in tanta distantia de illis  
consulere incipiat, gravis illos interea angus-  
tia premit. Quid si autem per Administra-  
tores è Gente sua constitutos consilia inire  
velit, veluti id Ungaris accidit, ut à Ger-  
manis gubernentur, (de quo *Istvanfius* in do-  
mestica sua historia fuisse diserit, & de Admi-  
nistratōribus Germanis contra jura Patræ  
præpositis gravissime conqueritur,) hæc res  
longe apud Nos in pejus procederet, ex occa-  
sione opulentarum Præfecturarum, quæ ho-  
die in Ungaria non reperiuntur, nam tantum  
ad escam exteris præbendam tenetur; licet in  
Comitiis publicis sæpissime de eo Ungari do-  
lenter conquerantur, sed frustra. Nullum si-  
quidem ex consultationibus suis oblectamen-  
tum aut fructum, nisi pœnitentiam, conse-  
quuntur: nec ex re sua consulere possunt,  
postquam semel capistrum Germanorum in-  
duerunt, & stulte collum præbuerunt servitu-  
ti; nam apud Potentes *Leges* aranearum telis  
jam similes sunt. Quid, quod Ecclesia quoq;  
Dei (cujus regimen Spiritus S. suprema sapi-  
entia procurat) prævidit, vetuitq;, ne unus  
Cleri-

Clericus, vel Sacerdos, bina aut plura beneficia possideret, quoniam de uno eorum minorem curam haberet? ac proinde, quod ad animarum curationem non exiguum detrimentum facit, hoc ad regimen seculare & politicum in Regni administrationem cadere videtur.

Tantum futuræ Principis circumstantiis: quæ antea prævideant, nescio. Certe *amoris seducimur*, *etiam*. Pars est humanæ sapientiæ, tenere modum, quem observat, qui veritatis conscius, nihil se præter eam quærere, ingenuo animo potest profiteri.

*Prævid.* Ego quoque ita censeo. Quisquis ille fuit, qui præmissas circumstantias Regias procudit, illum vere Polonum Equitem, & Polonæ Libertatis Asserctorem fuisse, ex ipso genio & indole, etiam Posteritati constabit: quod autem me attinet, neminem pro futuro Principe eo rectius sensisse, neque pro commodo Regni & Reipublicæ malius dixisse, aut scripsisse puto, cujus mentem & animum *Dei probeant in melius*. Porro, antequam ad demonstranda malorum remedia perveniam, prius illud, (cum illam mihi occasionem præbueris) quam intempestive & præpostere fiat, si vivente Rege de futuro Successore statuatur, duodecim Rationibus contrariis, non verbis meis, sed itidem alienis, & quidem ex amica super manu & scrinio depromptis, ostendam.

In quo sane neque ego, neque Amicus meus aliquid, ut mores, censentur nostri, dabimus, *rem præsentem dicturi*, quæ veræ, *mentis conscius fateri*, & Patricia fidei, & Patriam amore, boni publici causa servare necesse est. Tuum tamen fuerit, ex sequentibus, quid statendum sit, judicare.

I. RATIO, quæ ob causam Antecessores nostri *libera lege determinaverint*, ne vivente Rege nova Electio institueretur, fuit: quod prudenter expenderint, difficile esse, nullam rationem respectuum habere, quo Cives Regni Aula, seu domus Regiæ placitis omnino non attraherentur: ita, ut non ille, quem cuperent Cives, in successorem eligeretur; sed quem Aula, Dominus utpote superstes, Civibus præscriberet, & in quem privato respectu vel beneplacito oculos suos conjiceret. Hoc ut maximum supponendo, tanto minus impræsentiarum, quum nec vires Patriæ, nec coadunati Nobis animi constant, optimaque subjecta deficiant, ab hisce respectibus vacui esse possemus; nihilque certius, quam quod, hocce labescentium rerum nostrarum statu, non cum, quem ex commodo Patriæ nostræ putaremus, sed, in quem Aula oculos directos haberet, Dominum eligere teneremur. Unde nunc & postea contingeret, electionem nostram liberam periclitari, quando electus ob-

lati sibi domini beneficiū non eligenti populo, (nisi forte invite) sed soli Aula attribueret: nisi forte secreto ex inclinatione Domini Regi intelligat, eam quoque Successorem eligendum intendere, in quem tota Respublica collinat.

II. RATIO. Quod, si Cives Regni alteri cuiuspiam Dominium conferre vellent, quam quidem Aula appeteret, majus tunc exinde periculum, quam tempore Interregni, Civibus immineret, quod loco unius duo forent, ex dispositis clientelis liberæ electionis: videlicet novus Competitor, qui sibi non deesset; ipsaque Aula, quæ sua quoque exequi curaret. Ex quo inter Ordines & Status major scissura foret, cum confidentia Domini erga subditos, & subditorum erga Dominum periret.

III. RATIO. Non sunt multiplicanda entia sine necessitate. Sufficiat, sine inductione alterius Regis, uni parere Principi, unde legitima habetur institutio; siquidem non omnis melioratio ita melius vergit: sed & medicina, sine necessitate sumpta, non sanitatem, sed mortem propinat. Unde recte infertur: *Malum bene positum ne moveas*! quod lingvæ quoque nostræ, & proverbio, *zlego nie rusay*, convenit.

IV. RATIO. Quamprimum Successoris denuntiatio emanaret, nunc omnibus quiescentibus, omnia iterum mala exurgerent. Nam &

Motus,

Moscus, qui Magnum Ducatū Lithvaniæ possidet, eo, ut eligatur, intendit: & cum aliis Imperator Christianus, qui jam inter Civium factiones seminat, hac spe se sustinet. Mox vero, electione instituta, unoque denominato, reliqui sine dubio hostes, qui nunc amici sunt, (& quidem implacabiles) redderentur.

V. RATIO. Nec obstat, si quis dicat, præstare hisce rebus periclitari, ac competitores durante Regis vita offendere, quam demum sub Interregnum, dissoluto (quem Deus avertat) rerum & animorum statu, in ea pericula incidere. Verum, non expedit ante sagem piscari, & si emendus est, facilius emitur piscator, quam piscis: estque is in eo laudandus, qui consilium, cui impar erat, fato permisit. Quis ante quadringentium prædixisset, fortunam Poloniam ex tantis periculis taliter emerguram? atque sic impræsentiarum, inter malum & incudem posita, potius, spe in Deo collocata, meliorem sibi felicitatem, reducta Justitia & Pietate, polliceatur, oportet: inter alia vero, fore Regem tamdiu incolumem, donec vires Patria resumat, Civium concordia restauretur, idque intra unius anni spatium evenire posse, confidat, & supponat. Atque ita demum Nobis constabimus, cum & Regiam autoritatem tuebimur, & secundum Antecessorum nostrorum mentem periculosas novi-



novitates amolieremur, ut neq; Interregnum, si eveniat, neq;, Exteri si ingruant, timeamus.

VI. Ratio suo quoq; non caret fundamento. Miratur Orbis nuper levitatem quorundam, qui, de fortuna Patriæ desperantes, modo Svecum, modo Moscum, modo Imperatorem Romanum, ad Sceptra Poloniæ capessenda invitarent: quod, præcipitato in deterius consilio, errore communi non caruit. Absit vero, vivente adhuc Rege, ut videmus; mutata in melius Reipublicæ facie, ut speramus; & finito, ut vovemus, bello; deniq; restitutis, ut cupimus, legibus, in eam stultitiam spontaneo ductu impingamus: quandoquidem nos fata ad delirium non impellunt, imo optimis quæq; pollicentur.

VII. Ratio. Inter Reipublicæ Candidatos, & eos, qui eligi in successionem merentur, pauci sunt, qui Moscorum Ducem pro Domino exoptant, nisi forte illi, qui ejusdem jugo premuntur. Quod si itaq; circa Electionem impræsentiarum occuparemur, Magnus Ducatus Lithvaniæ procul dubio hoc pacto suam potentiam intenderet, aut totus à Nobis discederet, aut citra voluntatem nostram, cum ingenti Reipublicæ jactura, in illius sententiam descendere cogeremur.

VIII. Ratio. Quemadmodum filia apud patrem, quando parentibus major fortuna accer-

scit,

scit, plures ad se & majores procos allicit: sic Respublica nostra, ceu nubilis, multos competitorum ad se nunc invitare incipit, quam ante quadriennium, desperato rerum statu, prope nemo ex illis voluit. Vivente igitur adhuc illius marito, absit ut pro vidua habeatur, quæ si, confundente res nostras supremo Arbitro, ludum induat, tantisper, dum licet, ( licet autem ) expectet, donec abundantius sua felicitate efflorescat, sed & plures ad se Procos alliciat, nobisq; plenum jus liberè eligendi relinquat, quod jam, citra voluntatem multorum, factione & potentia vacillat, dum neq; viribus, neque concordia, neque consilio constamus. Largietur præterea DEUS Optimus Maximus, veluti jam eo res inclinant, præsertim, cum jam totaliter cum Svecis differentias omnes composuerimus, ut Magnus Ducatus Lithvaniæ & Cosacorum obedientia brevi Patriæ restituantur: quo facto, postea & oculos & consilia, quo voluerimus, licebit Nobis convertere.

IX. Ratio. Quam periculosum sit Regno, *Visente Rege* de Successore cogitare, tritum illud proverbium (*Solem Orientem plures adorant*) ostendit: Nam hoc pacto, quis non videt, ad novum electum Dominum majorem animorum partem inclinare? Sine dubio enim Electi opulentia, aut dexteritas, clientelas

tela sibi ex Civibus compararet; neq; parum exinde regnantis Regis commoveretur animus, quod expressa eorum non fieret mentio, quæ hinc suboriri possent. *Carolus Quintus* non externo Principi, sed proprio filio Regnū cessit: nihilominus constat, eum facti graviter poenituisse, cum plus filio suo, quam sibi, deferri, & magis subditos illi addictos, quam sibi esse obsequentes, videret. Quid vero apud nos, si externus succedat? Eam animorum mutationem in subditis, emulationem ac collisionem inter regnantem & proxime regnaturum, cæcus sit, qui non videat, aut insanus, qui non intelligat.

X. RATIO. Quia hæc *Lex*, ut necessariū sit, superstitute Rege novum eligere, ad hoc usq; tempus non est visa dispensabilis: ideoque nulla unquam ea de re mentio facta est. Quia lege semel dispensata, eo ipso eandem in perpetuū abolebimus: unica enim licentia in illicitis sufficit. Et posito, non tamen concessio, invitare nos ad hoc speciosam quandam necessitatem; at antiquo diverbio prostat, *omnia mala exempla à bonis initiis, & specioso prætectu, orta esse*. Quod sane, nunc semel jure nostro violato, nobis non conducere impofterum, si sub specie ceremoniarum Electionis (quam *Deus* avertat) Successio inducatur. Ita enim *Domus Austriaca*, per speciosum Electionis nomen,

men, *Hungaris & Bohemis* servitutem induxit, & derivando in se speciosam consuetudinem, Regna libera fecit hæreditaria. Quia praxi, superstitute adhuc & regnante Domino, electio in futuram regnaturi Domini personam populis indicitur, non quidem propter bonum utriusq; Regni, (quod alias id sibi evenire optaret,) sed ex privato *Domus Austriaca* respectu.

XI. RATIO. Uno quasi verbo concludere facillimum est, non illum esse finem, acsi metuendum Nobis esset de futura sub Interregno electione, cum potens sit *Deus* (quia nunc quoq; curam nostri palam gerit) vitam Regis nostri prolongare, quo ipso Respublica nostra firmiora fundamenta virium ac concordie jacere possit: ita, ut interea temporis limitaneis Magnatibus, quos veremur, aut multum de appetitu & prurigne erga nos decedat, aut suas quoq; habituri sint, quibus distrahantur, belli aut orii occupationes. Sed si locum quæstioni de eligendo Successore dediderimus, liberam electionem, quam tot seculis habuimus, amittimus: neq; enim ille eligendus nobis venit, quem Patria utilem judicavimus; sed, qui Nobis ab Aula intrusus est, illum pro Domino colere tenebimur.

XII. RATIO. Tandem, ne videamur cum illis facere, quorum fatalem ignaviam, & in-

consultam rebus gerendis prudentiam, exprobrat & vituperat Senator Romanus. *Quod rabiæ quædam, & profunda contentio, non cupidine, nobis Ducem, sedemque nostram gubernant Rempublicam. & hoc quidem p. l. s. Regibus. Quid autem diceret, si & p. l. s. n. idipsum postula sent? non rabiæ, sed & furiosos dixisset. Idcirco præstat, ne cessiva, ne dicam furiosa, eiusmodi con. l. a. omittere, & potius regnanti Domino sera fara optare. Nam, quemadmodum virtutis & famæ gloria nusquam ad Posteritatis memoriam felicius, quam post funera, triumphat; ita gloriosissimam, imo & securissimam Electionem Mors Principis, non sine, facit in Polonia: aliter Regnum non capit duos. Quod si nulla harum Rationum sufficiat, optimum erit in præsentibus malis illud consilium, quod in similibus Status nostri conturbationibus sæpius fuit practicum: scil. Agram, sauci- amq. Rempublicam quiescere oportere, ne vulnera curatione ipsa recrudescant; aut ad minimum in tanta negotiorum flagrantia, aut animorum fervore, (an furore?) adhuc aliquid expectare, cum ex natura temporis & modestiæ,*

*quod ratio nequit, sepe sanabit bona;*  
in casu vero tam periculoso Consilium, cui jam impares sumus Dno permittere quando-  
quidem tam intemptiva de eligendo & nomi-  
nando

nando Succesfore materia non tollit malorum copiam, sed aggravat, ut præsumptione deiciat Libertatem, & temeritate præcipites Rempublicam.

Atq; hæc quidem sunt Rationes, quæ voluntati hodiernæ & quorundam consiliis opponuntur: quibus licet prævaleat a. l. e. l. a. Legibus nobis, suumq; Vivente Principe, & nominato Succesfore, sortatur evantum; tantum tamen abest, ut hoc imprudenti conatu præsentia Reip. mala averat, quoniam ex collisione hodierna civium, militum seditione, rebellionem subditorum, & Competitorum pugna, omnia nefanda, malo permixta furore,

& graviora Regno incommoda inferat, unde certa ruina & perniciēs Patriam inveniant, nisi Deus aliquis furventibus obstat.

Viel. Quod si igitur, vivente adhuc Principe, durantibusq; Reip. malis, Succesforum Electionem remedium malorum esse negas, adeo, ut & mala augeas; quid tandem ad omnia tollenda incommoda conducibile existimes, liber ex te cognoscere.

Prawd. Atqui, si superiorem discursum meum satis advertisses, facile ex tanto malorum cumulo, quasi catalogo, remedia quoq; elicere potuisses. Nam ubi de impietate Civium adversus Cives, & de iniquitate Judicum contra Innocentes egimus, ubi expulsa l'itatis & pro-



& profligata *Justitia* merito condoluimus; ex his malorum remedia, unde ipsa scilicet emer-  
serant mala, licebat colligere. Verum, quic-  
quid sit, ut tuæ consulam ( si excidit ) memo-  
ria, vel indulgeam distractioni, non me pige-  
bit, tædebitq; malorum remedia ex iisdem  
malis extrahere, atq; post calamitatem præ-  
sentem futuram Regni augurari felicitatem.

*Viel.* Liceat mihi tuum precibus præve-  
nire discursum, illudq; ab amico pectore im-  
petrare, ut, postquam nos *Aula* vocat, amotis  
querelarum ambagibus, de malorum reme-  
diis, quo & fastidium tollas, & moram abrum-  
pas, quam brevissime decernas.

*Pruvd.* Non minus tempori, quam precibus, pareo; & duobus tantum verbis, hoc est,  
*PIETATE & JUSTITIA*, omnium malorum re-  
medium expedio. Nam hæc duæ potissimum  
virtutes florentia reddunt Regna, & fundant  
Imperia. Hinc illud pulcherrimum *CHRISTIANI*  
*IV.* Regis *Daniæ* erupit symbolum: *Regni*  
*firmat Pietas & Justitia*: [ cui consonat &  
Neptis ejus, *CHRISTIANI*, *Daniæ* & *Norvegis*  
Principis hæreditarii, symbolum: *Pietate &*  
*Justitia*: ] non, quod ignoraret *Magnus Rex*,  
pluribus partibus regnandi artem consistere  
sed, quod omnia ad hæc duo tantum capita  
referret, ita feliciter cuncta succesura statu-  
ebat, si & intemerata *Pietate DEI*, & inoffensa

*Justitia*

*Justitia* subditorum res curaret. *Justitia* quip-  
pe homines tantum, suum cuiq; tribuendo,  
respicit; *Pietas* *DEO* innitur, & *Conscientia-*  
*rum* adstruit *Libertatem*: illa violata, affligun-  
tur homines; ista neglecta, *Dæus* offenditur:  
altero confuso, & neglecto altero, quid, nisi  
*Ira DEI*, & inter homines *Ducordia*, consurgit?  
Subruunt hæc vires & consilia, evertunt ur-  
bem & *Republicam*. Vana tunc & stolta  
omnia, quibus *Ratio humana* confidit, non tu-  
ta præsidia, stulta fœdera, arma perversa, in-  
sana consilia, Regnum consequuntur. Nam  
neq; id, quod ars excogitavit, vel adinvenit  
ingenium, neq; illud, quod in suas partes na-  
tura divisit, ut sunt muri, turres, fossæ, arces,  
propugnacula, aut montes, amnes, sylvæ, la-  
cus, flumina, irato *DEO* resistunt: cujus est,  
singula pro defectu *Justitiæ* & *Pietatis* ad rigo-  
rem sui judicii & voluntatis exigere. Ergo in  
id omnibus viribus incumbendum erit *Polo-*  
*niæ*, si mala auferre & florere desiderat, ut *PIE-*  
*TAS* & *JUSTITIA* postliminio reducantur. Ita  
vero inprimis *PIETAS* reducta censebitur, si de  
profligata impie in Civibus *Conscientiarum li-*  
*bertate* melius imposterum, quam ante trien-  
nium, armorum *Svecicorum* prætextu, vel hodi-  
ernis Comitibus, inaudita novitate, statuatur.  
Quippe nihil tam *Voluntarium*, (ex sententia  
*Lactantii*) quam *Religio*: in qua si animus aver-

C

*sus*

*sus est, jam sublata, jam nulla est.* Cuius hæ sunt in Pietate partes: 1. DEO non resistere, ut illi pœt libet fidem libere adhibeat, & cultum præstet voluntarium, qvi cogi non possit, 2. Verborũ Theodoricũ, Gothorum Regis, (apud Casli ad. l. 2. ep. 27.) reminisci: *Religionem, inquit, imperare non possumus, qvia nemo cogitur, ut creditur inbitus.* Et alibi: *Cum Divinitas patitur multas Religiones esse, nos unam non audemus imperare.* 3. Ex Henrico, bellis sacris fatigato, sapere, & curam Pastoralem restringere; cujus ad posteros moribundi vox hæc fuit: *Discite meo exemplo, qvòd Religio sit officium hominis singulare erga Deum, in qvòd carnale brachium nullam habet potestatem.* Jam qvòd JUSTITIAM attinet, adnotandum, ut ex ejus ordine & natura Civi, Militi, Subdito, & unicuiq, qvòd suum est, tribuatur. Civi quidem, tam in tribunalitio, quam coram qvocunq; officio, justum administretur judicium; à quo testes falsi, & qvòd Poloniæ naturale est, prece, pretioq; ad innocentis interitum conducti, perpetuo arceantur: inquisitiones, si causa postulat, non quas favor aut propinquitas dare solet, sed æquitatis ratio & Justitiæ zelus præscripsit, instituantur; vota vero & decreta juxta illud, qvòd legimus, & qvo monemur, Recte judicate sũt hominum, decernantur. Mutuamque ne rapinam medietur, vel in iustitiam editionem, præsecut

f. 2a

stipendiũ, non ex gratia & factione, hos elevando, illos oprimendo, alios prætereundo, plures negligendo, verum singulis æqualiter. Qvòd facile servari potest 1. Si unus præ altero stipendia nõ surripiat. 2. Si pecunia non penes fucos, sed justos administratores servetur. 3. Si provide & prudenter exactorum arceatur cupiditas, & in Monetariorum fidem & perfidiam animadvertatur. Porro Rusticis sive subditis Jus illud sit & necis, atq; immanis sine judicio crudelitas, à Dominis restringatur, quorum quanto vilior in Regno status & conditio, tanto major illis commiseratio debetur: remittentes minas, scientes, qvia & illorum & noster dominus est in cælis: Nam, etsi rusticum induit, hominem tamen vel in fune & fuste non exuit: quorum omnium injurias atq; lachrymas sicine putabimus otiosas, ut Deus non audiat? Cujus judicio & ultione non tantum ad rastrum natas, verum etiam armatas illorum nuper manus vidimus, illisq; ob nostram dominationis tyrannidem, ut humanitatem aliquando disceremus, substantiam & sanguinem largiter impendimus; quid? hodie etiam pares nobis fecimus, & nobiles creavimus. Ita conciliato Cive redibit

- - dives Concordia rebus.

Contentato milite reducetur Pax & felicitas: atq; ex justa dominationis mansuetudine serv-

get *subditorum amor & obsequium*. Atq; hæc omnia ex formula *Pietatis & Justitiae*: cuius si capax mens nostra, conformis omnium voluntas, nec discrepant consilia, neq; deinceps Patriæ ruina metuenda erit, neq; Interregnum formidabile exister, neq; exterorum pravalebunt conatus, ubiq; pro nobis pugnant & decertante *Pietate & Justitia*. Nam reliqua, quæ metum nobis incutere vel augere mala dicuntur, ex civium, militum, & subditorum surgunt injuria; unde animorum aversio, ex aversione seditio, ex seditione tumultus, ex tumultu ira, rixa, ex utroq; bella non bella, quia *Civilia*, nascuntur: quæ sola ad Reipublicæ maxime florentis, ne dicam labentis vel jacentis, finem & interitum sufficiunt.

*Viel.* Nunc demum REGNI ac REIPUB. nostræ morbum intelligo, nec ignoro remediū:

- - - sed furor sequi prius

svadet. Ita quippe depravato naturæ affectu comparatum est, ut etiam, si bona videat, *deterius* lubentius amplectatur. Cui si adhuc *Germius* noster accesserit Polonicus, ubi semel mala præ bonis malit, tunc susq; deq; irruit, & postquam Divina humanaq; confudit, nunquam aut rarissime culpam excusabit, verum etiam præsumpta temeritate se jure fecisse defendet. Certe, violatam in *Civilibus* (ut alios taceam) *Justitiam*, multis titulis & nominibus agno-

agno-

agnosco: cum proscriptis, & adhuc fortasse proferibendis, proscriptam quoq; *Pietatem*, mecum plurimi sentiunt, pauci tamen id dicunt; ne scelerate fecisse, vel ad minimum se errasse fateantur. eo demeritis prolapsi, ut putent, se optime fecisse, cum

- prosperum ac felix scelus virtus vocatur:

Unde non laudem modo & gloriam sibi vendicant, sed & novam felicitatis accessionem augurantur. Miseram felicitatem! quæ tam incerta est, quam certum scelus. Enimvero, ut jam nihil dicam de nova electione, *vivente Principe*, Successoris, quam tu stultam, intempestivam, præposteram, præjudiciosam, tandem damnosam & perniciosam Reipublicæ, multis & gravissimis RATIONIBUS ostendisti; nonne illud solum & unicum, quod *Religionis* prætextu geritur, omne facinus exuperat? tamque insolens & immane est, ut ad *Concordiam* tollendam, convellendā *Libertatem*, & *Reipublicā* evertendā sufficiat. Retinemus enim, *voluntario sacrificandum esse Domino, non cuiusquam* cogentis imperio, quod, quæ aliter facere tentaverit, evidenter *caelestibus jussibus obviabit*. (Cassiod. l. 10. Ep. 26.) Verum, ne frustra illa repetam, quæ tu abunde dixisti; age tamen, & in gratiam mutui amoris, & quod majus est, amore *Veritatis*, quandoquidem ad superiorem materiam multum pertinere videtur, (imo

C 3

neq;



neq; satis omnia probare) illud expedias: *An tolerandi sint Dissidentes in Religione?* & doceas: *An Rex in Regno, aut Princeps in ditionibus suis tolerare Dissidentes in Religione, & liberū permittere Religionis exercitium teneatur?* Exceptos tamen volo, & hinc illos arceos, qui palam blasphemii sunt, & paci, honestatiq; publicæ insidiantur, necnon Ecclesiasticis ac Civilibus Legibus atq; Magistratui adversantur.

*Prawd.* Fateor, plurimum ad rem nostram pertinere hanc, quam expediri desideras, quæstionem: quæ cum propter ingentes hominū contentiones, & depravato pietatis zelo corruptas opiniones, difficillima expeditu sit; tamen, exclusis excludendis, facillimam efficiam, cum iustissimam ostendero. Status igitur est propositionis: *Antolerandi sint Dissidentes in Religione à Regibus & Principibus?* & : *an illis exercitium quoq; Religionis permittendum?* Quod antequam expediam, si illi, quos ipse describis, excludantur, excludendi quoq; sunt cum illis omnes inprimis Pontificii, quandoquidem illi non tam Civiles Leges & Magistratum parvifacere, verum etiam Regna & Imperia mutare, & confundere consueverunt. Sed ad propositum, ne longius videar excurrere. Quæstioni præmissæ plurimum adversatur *Thomas Aquinas*, quo solo nomine eum minime dixerim *Angelicum*: adversatur etiam atq;

recla-

reclamat tota *Scribarum & Pharyseorum Secta*, id est, totus *CLERUS* cum Pontifice Romanus, qui suum hic simpliciter quærit & defendit *In-*

*Dissidentes* sive *Protestantes* contravenientibus eorum mul-

mo atq; pingvi. . . . .; sed & venter & stomachus nimium ebefus indigestam concoctionem minime eructaret. Porro, qui cum Christo sentiendum existimat, ex illa apud Matthæum (c. 13.) Parabola, ubi expresse *zizania* cum *tritico* ad messem servari jubentur, intelliget, præceptum hoc maxime ad *Reges & Principes*, in quorum solum potestate firmum est ædificare & destruere, plantare & evellere, pertinere. Excipiunt hic Pontificii, & præceptum hoc in Hæreticis notoriis locum non habere aserunt: verū, quis arcano Dei consilio interfuit, ut liquido determinare possit, quid ille statuere de quolibet voluerit? & an illius quis potentia existit, ut ex zizanio triticum, hoc est, notorie Hæretico, vas electum reddere possit? Profecto, Paulus non *errans* tantum erat, sed etiam *persecutor*; ut Ananias, Discipulus Domini, diceret: *Domine, audi vi ex multis de viro hoc, quanta mala fecit.* Cui tamen Dominus respondit: *Vade, quoniam vas electum es.* *Et mihi iste.* Quod si ECCLESIA CHRISTI eam, quam hodie vendicat, autoritatem ha-

C 4

buis-

buisset, & *Paulum Cura Pastoralis* hodierna, aut sanguinaria inquisitione de medio sustulisset, nonne nobilissimum Ecclesie triticum <sup>emulc.</sup> fuit? Ita *Augustinus*, turpissimè erroribus implicatus, tempus crucis fuisse,

fuisse? Tutius igitur ducitur Christo adhaerere, quam nova sophismata admittere, & tolerantiam mellis amplecti, quam Conscientiarum Tribunalia permittere. Quod preceptum superius nova parabola à Salvatore confirmatur: *Simile est Regnū celorum sagena missa in mare, & ex omni genere piscium congreganti.* Quam, ne contra Dei mentem humana aliquando interpretari male præsumeret audacia, ipse *Christus* explicat: in nobisimo demum die Angelos venturos, & separatos malos à bonis. Non ergo in presenti seculo, sed futuro, separantur pisces boni à malis. Quo ostendit, recte sentientes, & errantes, non debere damnari, sed tolerari. Nam & *Paulus* ipse, cui præ *Divo Thoma*, aliisque Doctoribus, maior consiliorum divinorum & arcanorum Deus existit prærogativa, si illud usque in tertium cælum raptus, didicisset, tolerari minime debere errantes, aut etiam condemnare, *Timotheum*, Discipulum suum, Episcopum Ephesinum, nunquam contrarium acceperat: *servū Domini*

ni non oportet litigare: quid! anne etiam occidere? damnare? addita solida ratione: num quando Deus dei illis solidam penitentiam ad cognoscendam veritatem. Quod adhuc manifestius imponit *Tito, Cretensi* Episcopo, ut moneat suos auditores, ne blasphement, &c. sed mansuetudinem ostendant ad omnes homines: si ad omnes, profecto etiam ad errantes; atque, ut fortius persuadeat, seipsum ponit in exemplū: *Emamus enim* (inquit) *& nos aliquando insipientes, increduli.* Ubi *Paulus* ratiocinari videtur, quod scilicet nobis fieri cupimus, idem aliis præstemus: atqui Nos supportati fuimus & tolerati, cum essemus insipientes, increduli, & Ecclesiam persequentes; quidni quoque ejusmodi vice versa amemus, toleremus? Nec illud obstat, quod ex hac occasione arripiunt Pontifici, in eodem capite: *Hæreticū hominem post unam & secundam correctionē debitā.* Quasi, qui binis monitionibus non respicit, eum excommunicare debeant; & ut nonnulli brevius concludant, illo verbo (debita) non tantum, illis excommunicare licere, ostendunt; verum etiam posse, debereque talē tollere de sicca obtinere. Vim tamen inferunt dictis *Pauli*, qui, seipsum explicans, *hæreticū hominem* intelligit, quæ: *subversus est & delinquit, cum sit proprio iudicio condemnatus*, nimirum pro hæretico quidem habendum talem, non tamen pœna

alia afficiendum, quam à conversatione tantum amovendum. Quod alibi clarius demonstrat: *Si quis non obedit verbo nostro, per epistolam hunc notate, & ne commisceamini cum illo, ut confundatur, non vero occidatur, & nolite quasi inimicum existimare, sed corripite ut fratrem.* Idem alibi: *Oportet haereticos esse, ut, & qui probati sunt, inter vos manifesti fiant.* Quod si autem esse oportet, quomodo non oportebit tolerare? Nam, ut alia omittam, vehementissimū illud est, quod adjicit: *Si quis frater uxorem habet infidelem, & hac consentiat habitare cum illo, non dimittat illam.* Quid quāto in societate humana arctius conjugali vinculo esse potest? & tamen in eo quoque *fidelis cum infideli* jungi potest, & habitare: quanto magis in foro, quam thoro; & societate civili, quam conjugali: cum major utrobique campus, forte & necessitas. Idem Apostolus ne societatem civilem extingueret, *si quis vocat vos infidelium, &c.* jubet fideles cum illis bibere & manducare. Quod si possunt fideles cum infidelibus convivari, quanto magis etiam conversari? cum nulla conjunctior, verior & sincerior conversatio, quam comesando & convivando dari possit; imo neque humanitas hodie, nisi cibo & potu, probari. Et, hanc lenitatis & mutuae tolerantiae praxin usque ad Pontificum tyrannidem viguisse in Ecclesia, certum est. Vide-  
re il-

re illud est expressis Magni Gregorii verbis, & juri Canonico infertis: *Qui sincera intentione extraneo à Christiana Religione ad fidem rectam cupiunt perducere, blandimentis, non asperitatibus debent studere.* Et paulo post: *Quicunque aliter agunt, & ex hoc velamine à conspectu cultura sui vultu solari suspendere, suas illi magis, quam Dei, causas probantur attendere* (Dist. 45. c. 3.) Et Concilio Toletano IV. (Can. 56.) hac sequuntur: *Ergo non eis, sed libera arbitrii facultate, ut convertantur, suadendi sunt, non impellendi.* Ea sane, quae hactenus autoritate divina probavimus, usu quoque recepta fuisse, & observata, exemplis ostenditur: quibus pii Reges & Principes non tantum infidelium amicitiam ambire, verum etiam colere voluerunt. Primus hic David occurrit, qui cum Rege Ammonitarum foedus & amicitiam coluit. Salomon cum Rege Tyri etiam societatem una cum commerciis professus est; & quod memorandum est, urbes viginti eidem donavit. Quod hodie, tot Romanæ Curiae protestationibus, aut excommunicationibus, vix Caesari liceret, si Svecis unam vel alteram urbem concederet. Et, ut alia exempla Veteris Testamenti Theologis relinqvam, nonne tempore Evangelii Constantinus, piissimus Princeps, collegam Imperii sui, Licinium, quamvis ethnicum, toleravit? & ne à patientia Christiana  
favor



favor Regius abeslet, eidem sororem suam *Constantiam* in matrimonium tradidit? Nonne etiam Christiani, excepta causa idololatricæ, ipsis ethnicis Imperatoribus militare sacramentum dixerunt? Ex quibus omnibus facile patet, pios *Reges & Principes* minime Conscientiam suam lādere, imo etiam vel maxime teneri, ut diversas in suis Dittonibus Religiones patiantur. Qui contrarium tuentur, pro eo defendendo asserunt: periculum esse, ne per illam permissionem inficiatur Domestica Religio; & varii errores ad damnationem multorum inferantur. At hæc futilis est ratio, & inanis. Nam, si *Paulus* non attendendum putavit, si infidelis cum fidei matrimonio jungeretur: nec idcirco dissolvendos, quin potius in meliorem partem præsumendum esse, partem infidelem parte fidei sanctificari: ita in prædicto casu majori verisimilitudine sperari potest, ut plures paucos convertant, quam e contra; dummodo juxta monitum Apostoli, *in mansuetudine & lenitate*. Præterea, si hæc ratio esset solida, prohibenda essent omnia commercia, & horum causa, tam vicina, quam remota itinera, cum vix domo pedem efferre liceat, quin statim diversa occurrat Religio. Si autem societatis humanæ ratio, quam conservatam, non extinctam supit *Evangelica perfectio*, hoc non paritur, quid

quid vetat, ut ad augendam Regni & Reipub. felicitatem diversa (& forte paucorum) admittatur Religio? Prohibenda etiam essent omnes peregrinationes, quas vel ob uberiores literarum & artium cultum, vel ob ampliorum Civilis Prudentiæ cognitionem acquirendam, suscipiunt nobiles & ingenue mentes. Quod si verò plurimum inde commodi & ornamenti percipiunt Regna & Respublicæ; si summam inde voluptatem capiunt parentes, fratres, cognati, & consanguinei: quis illas Religiones arceat, quas alibi observavit? Excludendi quoque essent variarum Gentium Legati, qui cum suæ libero Religionis exercitio non tantum admittuntur & tolerantur, verum etiam honorantur, à quibus majus periculum metui possit, cum his non solum obvia pateant negotia, sed & secretiora Regni & Reipublicæ manifesta fiant consilia. Quæ si omnia Rationi dissona sunt, imo talia, quæ hominum societatem ex vita communi subvertunt, rerum quoque ad vitam necessariarum penuriam, & crassam barbariem inducunt videntur, demum talem vivendi rationem adducunt, quæ bestiis potius, quam hominibus, similior sit; potius dicendum erit: *Disidentes in Religione*, propter rationes allatas, tolerari ab omnibus Principibus posse, & debere. Quod cum sufficienter ostendi, unum quoque

ex tribus sequentibus statuendum erit: *Aut* cultus divini exercitium ipsis secundum doctrinam, quæ à teneris imbuti sunt, peritendum; *aut* ad nostros ritus & doctrinam compellendos; *aut* omne Religionis exercitium ipsi interdiciendum esse. Neutrum ex posterioribus debemus facendum: nam compellere velle, quod iam ad alia credenda, praesertim in Religione, hoc non potest tolerare, sed savissimo persecutionis genere premere & persequi. Tollantur hoc fœnestissima, non externa duntaxat, sed domestica exempla. In ultimo si idem statuimus, idem malum incurrimus, cum nulla ratio tam fera sit & barbara, quam non tangat Divini Numinis reverentia. Qui secus statuit, pari rigoris austeritate etiam cultum hunc, qualiscumque est, ex animis eorum ejiciat, oportet: ut taceam, homines hac violentia paulatim in *atheismum* deflectere, & ubi pertinacia crevit, vitam inducere belluinam, ut malis extrema ferre, quam à sententia, quæ imbuti sunt, dimoveri. Ergo præstat, illis aliquam Religionem permittere, quam nullam procurare; quod si autem tolerandi sunt, quidni liberum quoque Religionis exercitium concedendum? Sed ecce, me hora, te *Aula* vocat: igitur abruptum. Hoc interim jam vovere liceat, quod Civem bonum optare decet.

Faciat,

*Faciat, faciat tandem piissimus Regnum moderator, & piissimus rerum arbiter DEUS! & post tot atroces factorum minas, post gravissimas fortune vicissitudines, & innumeras externis & domesticis malis arumnas, Regem seræ incolumitati, Rempublicam consummato ornameto, & Cives avitæ gloriæ, omnes vero optatæ libertati reddat, reducat, restituat.*

Ex animo precatur

*Tertulianus Aquilus  
è Xardo, F.*

## Typographus Lectori Salutem.

**C**um restarent & vacarent aliquot adhuc bu-  
jus chartæ pagellæ, commodum accidit, ut  
mibi communicata fuerit hæc, quæm vides ad-  
junctam, Propositio de novo Rege eligendo, facta  
in Comitibus proxime præteritis ab ipso Serenissi-  
mo Rege Polonia, cujus hic adeo impensum & ve-  
re devotum in Rempublicam studium & amorem  
cernere licet: sed & singularem, ac futuri pro-  
pæmodum præsegit, de distractione Polonia pru-  
dentiam. Cum quæ planè hæc in re consentit  
scriptum geminum, (alterum sub hoc titulo:  
Speculum judiciorum divinarum in Regno  
Poloniæ Anno MDCLIII. alterum sub hoc:  
Ultima Admonitio Reipubl. Poloniæ Anno  
MDCLIX. data,) à Nobili Polono, abita li-  
bertatis & pacis Patria studiosissimo, composi-  
tum & vulgatum. Itaq, Lector Benevole,  
quæ dextra manu porriguntur, dextræ itidem,  
non sinistræ, accipe, & æquè ac boni consule.  
Inchyto autem Regno Polonia bene mecum, cumq,  
omnibus bonis, bono totius Christianitatis præ-  
sare. Vale & fave.

## PROPOSITIO

Sæ. Reg. Mtis. Poloniæ,  
ratione faciendæ Electionis ha-  
bita in Senatu absentibus Nun-  
ciis Terrestribus, durantibus  
Regni Comitibus Varsav.

4. Julii Anno 1661.



**S**I cujus, certe necesum est meæ inhæreat memoriæ illud axioma, quod optima peperit consideratio perspectissimi viri Politici: *Principes mortales, Respublica immortalis*. Et quis, quæso, mortalitati magis est subiectus, quam is, qui ad longam annorum senem appropinquat, cui Deus ex charissimis posteris nullas delicias largitur, & qui è linea familiæ suæ ultimum se recenset? Vicissim Respubl. quæ optime sibi consulere novit, mori nequit: quo annos suos numerat remotiores, eo majorem gloriam ac potentiam sibi acquirit: tot filiis delectatur, quot numerat Equæstris Ordinis homines: ibi ultimus in domo non datur, ubi omnium Domus unica est Patria. Tantummodo unicus in Rempubl. maxime gravis accidere solet casus, quando capite suo privatur, quando funestum Interregnum, inter animorum similitates, inter haud levem rerum confusionem, propinquam ruinam minatur. Quod dum mecum considero, ductus affectu & amore erga hanc Patriam, animadvertens senectutis meæ gradum, & corporis sanitatem quotidianis defatigationibus ac incommoditatibus enervatam, necnon mecum id bene ponderans, quod me aliquando ordo tanget æternitatis viam ingredi, non optarem hanc Rempubl. casui exponi: & eam ob

cau-

causam Propositionem in materia Electionis, me adhuc superstiti, Dominationibus Vestris ad considerandum dedi. Nemo existimet, hanc cogitationem jam primū in animo meo natam esse: siquidem jam ab annis septem, statim post decessum Fratri mei, videns improlem me esse, imo extra omnem spem suscipiendæ prolis positum, confectum intendebam, talia Dominationibus Vestris proponere, nisi me tum temporis irruptio Svecorum, ac alia Reipubl. gravissima bella inturbassent. Dum vero in præsentiarum Omnipotens DEUS benignissimæ oculo suo Vos aspexerit, & hæc feliciora tempora Vobis imperitus sit, ita, ut nunc melius, tutiusq; Nobis invicem consulere possimus; existimare ego, ne tam necessaria Deliberatio differatur, in quantum me adhuc vivente Successorem eligere velitis. Jam ducenti fere anni ex parte materna, & septuaginta ex parte paterna computantur, ex quo libera electione Dominationum Vestrarum hocce in throno Domus mea est constituta. Quamobrem id mihi exopto grati animi monumentum in mentibus Dominationum Vestrarum relinquere, ut hancce Rempubl. in eodem statu, ac in eadem libertate, in qua eandem ab Antecessoribus, prævia Dominationum Vestrarum voluntate, recepi ac inveni; post fata mea ite-

rum

rum redderem, relinqueremq; Dominationibus Vestris. Quod ipsum ægre forteau accidere posset, si quando Dominationes Vestre ultima fata mea expectare vellent. In tanta enim post mortem meam confusione subitubarē ego, an id potestate foret Dominationum Vestrarum, posse Dominum libere electum habere? Sit mihi Deus testis, quam ego hac in parte nihil privati spectem, verum Patriæ hujus solum commodum: quippe post mortem meam omnia ego fata mea mecum traham. Ast Vestre Dominationes, quarum aliqui soli, aliqui in posteris vestris vitam producentis, ita vobis tempestive consulere velitis, ac si exoptaretis vestri prosperam memoriam posteris relinquare. Posset mihi quisquam objicere, non esse rem sine exemplo, nimirum Reges etiam antehac sine prole vivere desis-  
sisse, ac inde nihilominus Reipubl. nullam ruinam supervenis-  
se. Neq; diffiteor, ita se rem habere, nisi quod ab illis temporibus diversa longe inpraesentiarum sint tempora. Tum temporis, circa antiquam simplicitatem Majorum animorum unio esse poterat: ac Respublica in tanta confusione, Statuumq; diffidentia, non existit, quam quidem nunc existit. In animis hominum, vicinorum inprimis, tales ambitiones non fuere, neq; tales privati respectus ad hostilitates. Nondum ta-

lis cognitio tum patebat, sive de potentia nostra, sive de defectibus nostris, cum Principes de Patria nostra minus fuerant solliciti, illam fortean reputantes minus excultam, minusq; opulentam: nunc omnes in ipsam oculos suos convertunt, & procul dubio de eadem concurrent. Tum temporis nullus erat Exercitus stipendiarius; & si quis fuit, paratæ pecuniæ stipendia merebat. Hinc tale periculum nullum erat, ut alter alteri per potentiam Dominum imponeret. Utinam sim falsus vates, metuendum Vobis esse, ne Respubl. in divisionem gentium abeat. Moscæ & Rusi tentabunt Magnum Ducatum Lithvaniæ avellere ad ipsos usq; fluvios Bug & Narew dictos, & vix non ad Vistulam fluvium. Elector Brandenburgicus occupabit animum suum circa Majorem Poloniam, aliosq; sibi proxime limitaneos Palatinatus, certabitq; de potioritate circa utramq; Prusiam. Domus quoq; Austriaca cogitationes suas circa Cracoviam, sibiq; proxime vicinos Palatinatus intendet. Quis sponsor est de proprio Exercitu nostro, cui tot stipendia debentur, ne hunc quispiam aureo hamo ad se, & quidem non ad mentem Reipublicæ, pertrahat? Aut si is Confederationem iniverit, ne per potentiam Dominum imponere audeat, veluti jam in nuper præterita Electione ejusmodi rumores ad aures


nostras delati sunt. Cosaci etiam somnum excutiendo invigilabunt, ut ei, cui id è re futurum existimaverint, circa hanc intentionem auxilio esse possint. Quocirca Dominationes Vestrae hoc ipsum quam optime perpendere velint. Quod si Vobis ita cura cordiq; est conservatio Glorix DEI, & sacrosanctæ hoc in Regno fidei, necnon libertatum ac integritatis Patriæ, velut id muneris vestri esse debet: mihi sufficiet, quod, postponendo securitatem propriæ personæ meæ, neq; ullâ rationē habendo metus ejus, qui ab assignato Successore merito in me cadere posset, voluntati Dominationum Vestrarum id insinuerim, ut de Vobis tempestiva consilia capere poteritis. Hoc ipsum si jam accepteris, sive negligatis, exoneratam hac in parte conscientiam habeo, quod Dominationibus Vestris bene cupiverim, optimeq; cupiam.

*Tempus omnia revelat.*

Non ibi consistunt exempla, unde cæperunt: sed quamlibet, in tenuem recepta tramitem, latissime evagandi sibi viam faciunt: & ubi semel recto deerratum est, in præceps pervenitur. *Vellejus.*

Lento gradu ad vindictam divina procedit ira, sed tarditatem gravitate supplicii compensat. *Valer. Max.*





K. B.

